

Broj: 03-34-1877/26
Mostar, 14.04.2026. godine

Na osnovu Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2026. godinu Federalnog ministarstva obrazovanja i nauke („Službene novine Federacije BiH“ broj 22/26) Federalno ministarstvo obrazovanja i nauke raspisuje

JAVNI POZIV

ZA FINANSIRANJE/SUFINANSIRANJE PROGRAMA I PROJEKATA IZ OBLASTI PREDŠKOLSKOG, OSNOVNOG I SREDNJEG OBRAZOVANJA IZ BUDŽETA FEDERACIJE BOSNE I HERCEGOVINE U 2026. GODINI

Naziv davaoca budžetskih sredstava:

FEDERALNO MINISTARSTVO OBRAZOVANJA I NAUKE

Kratak opis programa sa ciljevima programa za koje se dodjeljuju sredstva:

U okviru općeg cilja unapređenja obrazovnog sistema u Federaciji BiH, svrha, odnosno posebni ciljevi programa koji se realiziraju u okviru ovog javnog poziva su:

1. Pобољшanje uključenosti, uslova i kvaliteta obrazovanja u predškolskim ustanovama, osnovnim i srednjim školama za sljedeće grupe djece s posebnim obrazovnim potrebama: talentirana, inovativna i nadarena djeca, te djeca s poteškoćama u razvoju, djeca pripadnika romske nacionalnosti, djeca iz porodica u stanju socijalne potrebe, djeca koja žive u udaljenim ruralnim sredinama i druge ranjive grupe djece;
2. Kroz podršku projektima primjene savremenih i inovativnih metoda i oblika odgojno-obrazovnog rada i nabavke nastavnih sredstava unaprijediti kvalitet odgoja i obrazovanja i doprinijeti razvoju funkcionalnih znanja i vještina djece predškolskog uzrasta i učenika osnovnih i srednjih škola;
3. Integriranje komponente gender senzitivnog ili odgovornog budžetiranja, unapređenje vještina i kompetencija odraslih osoba s fokusom na žene kroz projekte obuke, stručnog osposobljavanja ili stručnog usavršavanja radi njihove lakše integracije na tržište rada i aktivne participacije u društvenom životu. Davanje doprinosa promociji ljudskih prava u segmentu rodne ravnopravnosti i jačanje socio-ekonomskog osnaživanja žena te uspostavljanje sistemskog pristupa eliminaciji stereotipa i ograničenja na kojima se zasnivaju nejednakosti u pogledu uloge, statusa i uključivanja žena u društvene tokove;
4. Promocija zdravih životnih stilova i zdravih životnih navika kod učenika i djece predškolskog uzrasta;
5. Podrška uklanjanju predrasuda i stereotipa prema LGBTQ+ populaciji te prevencija i sprečavanje diskriminacije prema ovoj populaciji;
6. Realizirati mjere i aktivnosti iz Okvirnog plana prevencije i sprečavanja nasilja u odgojno-obrazovnim ustanovama u Federaciji BiH, koje će doprinijeti stvaranju sigurnijeg okruženja u odgojno-obrazovnim ustanovama u Federaciji BiH;
7. Podizanje svijesti javnosti o važnosti prevencije i sprečavanja nasilja, promocija tolerancije, nenasilja i rodne ravnopravnosti u porodici, školskom okruženju i društvu, te unapređenje medijske pismenosti u odgojno-obrazovnim ustanovama i društvu;

8. Unapređenje kompetencija nastavnika stranih jezika radi poboljšanja kvaliteta nastave stranih jezika u školama i jačanja višejezičnosti učenika;
9. Podrška izdavanju novije literature iz oblasti predškolskog, osnovnog i srednjeg obrazovanja, namijenjene za podršku u realizaciji nastavnih planova i programa/kurikuluma u osnovnim i srednjim školama u Federaciji BiH i za podršku odgojno-obrazovnom radu u predškolskim ustanovama u Federaciji BiH u skladu sa cjelovitim razvojnim programima predškolskog odgoja i obrazovanja.

Ukupan iznos raspoloživih sredstava: 1.100.000,00 KM

Javni poziv je otvoren: od 15.04.2026. godine do 06.05.2026. godine

R.br.	NAZIV PROGRAMA (sa kriterijima)	Dokumenti za preuzimanje
1.	1. Podrška projektima poboljšanja inkluzivnosti predškolskog, osnovnog i srednjeg obrazovanja <u>Ukupan iznos raspoloživih sredstava za Program 1.: 250.000,00 KM</u> <u>Korisnici sredstava:</u> Predškolske ustanove, osnovne škole i srednje škole Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka); • jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta (uključujući odgojno-obrazovne i socijalne efekte) su jasno definirani; • monitoring i evaluacija projekta su jasno opisani; • projekat promovira individualizirani pristup svakom djetetu; • detaljno razrađen budžet. Sve stavke u budžetu su relevantne za realizaciju odgojno-obrazovnih aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke. Program je namijenjen predškolskim ustanovama, osnovnim i srednjim školama za projekte koji imaju za cilj poboljšanje inkluzivnosti u ustanovama predškolskog, osnovnog i srednjeg obrazovanja, podršku organiziranju klubova mladih talenata i nadarenih učenika ili drugih aktivnosti praćenja, podrške i rada s nadarenim, inovativnim i talentiranim učenicima u odgojno-obrazovnim ustanovama; podršku nabavci savremenih didaktičkih sredstava ili odgovarajuće stručne literature za nastavnike, podsticaj edukaciji nastavnika i stručnih saradnika u odgojno-obrazovnim ustanovama, angažiranje kvalificiranog stručnog kadra za podršku učenicima s poteškoćama u razvoju u odgojno-obrazovnim ustanovama, te provođenju aktivnosti u okviru „društvenog servisa“ pri odgojno-obrazovnim ustanovama, koje imaju za cilj razvijanje humanosti prema drugima (osobama starije životne dobi, djeci bez roditeljskog staranja, osobama u stanju socijalne	Obrazac zahtjeva program 1.

	potrebe itd.) i odgovornosti prema zajednici u kojoj djeluje odgojno-obrazovna ustanova. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 20.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
2.	2. Podrška projektima razvijanja funkcionalnih znanja i vještina djece predškolskog uzrasta i učenika osnovnih i srednjih škola <u>Ukupan iznos raspoloživih sredstava za Program 2.: 230.000,00 KM</u> <u>Korisnici sredstava:</u> Predškolske ustanove, osnovne i srednje škole Kriteriji za raspodjelu sredstava: • Projekti opremanja kabineta fizike, hemije i biologije s ciljem poboljšanja kvaliteta izvođenja laboratorijskih vježbi i unapređenja funkcionalnih znanja i vještina učenika iz fizike, hemije i biologije; • Projekti nabavke informatičke opreme radi razvoja digitalne kompetencije kod učenika, kao i aktivnosti koje se odnose na razvoj preduzetničke kompetencije; • Projekti nabavke didaktičke opreme i materijala radi poticanja primjene interaktivnog i interdisciplinarnog pristupa u poučavanju/učenju; • Detaljan opis projekta (uključujući i detaljan popis opreme ili materijala koji su planirani za nabavku za projekte koji predviđaju nabavku istih); • Detaljan finansijski plan projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke; • Saglasnost kantonalnog ministarstva nadležnog za oblast obrazovanja. Program je namijenjen predškolskim ustanovama, osnovnim i srednjim školama za projekte koji imaju za cilj primjenu savremenih i inovativnih metoda i oblika odgojno-obrazovnog rada radi povećanja nivoa funkcionalnih znanja i vještina učenika ili djece u predškolskim ustanovama. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 15.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	Obrazac zahtjeva program 2.
3.	3. Podrška projektima obuke, stručnog osposobljavanja i usavršavanja odraslih osoba s fokusom na žene radi lakše integracije na tržište rada <u>Ukupan iznos raspoloživih sredstava za Program 3.: 50.000,00 KM</u> <u>Korisnici sredstava:</u> Osnovne i srednje škole, nevladine organizacije (sa sjedištem u Federaciji BiH) u saradnji sa školama	Obrazac zahtjeva program 3.

	Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka); • jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta su jasno definirani s posebnim osvrtom na poboljšanje znanja i vještina korisnika projekta radi njihove lakše integracije na tržište rada; • monitoring i evaluacija projekta su jasno opisani; • ukoliko je aplikant nevladina organizacija, potrebno je dostaviti memorandum ili sporazum o saradnji nevladine organizacije sa osnovnom ili srednjom školom, kojim se utvrđuje i regulira međusobna saradnja škole i nevladine organizacije u provođenju projekta; • detaljno razrađen budžet. Sve stavke u budžetu su relevantne za realizaciju aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke. Program je namijenjen osnovnim i srednjim školama koje izvode i realiziraju projekte obuke, stručnog osposobljavanja ili usavršavanja odraslih i nevladinim organizacijama (sa sjedištem u Federaciji BiH) koje realiziraju navedene projekte u saradnji sa školama. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 15.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
4.	4. Podrška projektima o zdravim stilovima života u odgojno-obrazovnim ustanovama u Federaciji BiH <u>Ukupan iznos raspoloživih sredstava za Program 4.: 150.000,00 KM</u> <u>Korisnici sredstava:</u> Predškolske ustanove, osnovne i srednje škole Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka); • jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta su jasno definirani; • monitoring i evaluacija projekta su jasno opisani; • detaljno razrađen budžet. Sve stavke u budžetu su relevantne za realizaciju aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke. Program je namijenjen predškolskim ustanovama, osnovnim i srednjim školama u svrhu promocije zdravih životnih stilova i usvajanja zdravih životnih navika kod djece predškolskog uzrasta i učenika. Projekti koje odobri Federalno ministarstvo obrazovanja i nauke bit će	Obrazac zahtjeva program 4.

	podržani u maksimalnoj vrijednosti do 10.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
5.	5. Podrška projektima uklanjanja predrasuda mladih prema LGBTQ+ populaciji <u>Ukupan iznos raspoloživih sredstava za Program 5.:</u> 20.000,00 KM <u>Korisnici sredstava:</u> Nevladine organizacije (sa sjedištem u Federaciji BiH) Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka); • jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta su jasno definirani; • monitoring i evaluacija projekta su jasno opisani; • prednost prilikom ocjenjivanja projekata će imati udruženja kojima je u rješenju o registraciji navedeno da su registrovani za obavljanje djelatnosti iz oblasti na koju se odnosi ovaj program ili je u statutu udruženja navedeno da se bave ovom djelatnošću; • detaljno razrađen budžet. Sve stavke u budžetu su relevantne za realizaciju aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke. Program je namijenjen nevladinim organizacijama (sa sjedištem u Federaciji BiH) za podršku projektima uklanjanja predrasuda i stereotipa prema LGBTQ+ populaciji, te prevencije i sprečavanja diskriminacije prema ovoj populaciji. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 10.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	Obrazac zahtjeva program 5.
6.	6. Provođenje mjera i aktivnosti iz Okvirnog plana prevencije i sprečavanja nasilja u odgojno-obrazovnim ustanovama u Federaciji BiH <u>Ukupan iznos raspoloživih sredstava za Program 6.:</u> 120.000,00 KM <u>Korisnici sredstava:</u> Kantonalna ministarstva nadležna za oblast obrazovanja, pedagoški zavodi (ili druge ustanove registrirane za ovu djelatnost), predškolske ustanove, osnovne i srednje škole Kriteriji za raspodjelu sredstava: Provođenje mjera i aktivnosti sadržanih u Okvirnom planu prevencije i sprečavanja nasilja u odgojno-obrazovnim ustanovama u Federaciji BiH i to:	Obrazac zahtjeva program 6 Okvirni plan prevencije i sprečavanja nasilja u odgojno-obrazovnim ustanovama u Federaciji Bosne i Hercegovine

	• nabavka opreme u odgojno-obrazovnim ustanovama u svrhu prevencije i sprečavanja nasilja; • uvođenje referalnih mehanizama za prevenciju i sprečavanje nasilja u odgojno-obrazovnim ustanovama; • edukacija nastavnika i stručnih saradnika u odgojno-obrazovnim ustanovama; • jačanje kompetencija roditelja; • jačanje saradnje lokalne zajednice i odgojno-obrazovnih ustanova s ciljem prevencije nasilja; • jačanje multisektorskih preventivnih aktivnosti kroz partnerstvo vladinog i nevladinog sektora; • podrška formiranju mobilnih stručnih timova za krizne intervencije; • podrška aktivnostima vršnjačke podrške; • podrška aktivnostima zaštite i očuvanja mentalnog zdravlja učenika i nastavnika. Pored navedenih, među kriterijima za raspodjelu sredstava su i sljedeći: • saglasnost kantonalnog ministarstva nadležnog za oblast obrazovanja; • detaljan opis projekta (uključujući i detaljan popis opreme ili materijala koji su planirani za nabavku za projekte koji predviđaju nabavku istih); • detaljan finansijski plan projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke; • podrška programima/projektima prevencije, usmjerene na borbu protiv terorizma; • podrška programima/projektima usmjerenim na prevenciju nasilja u porodici. Program je namijenjen kantonalnim ministarstvima nadležnim za oblast obrazovanja, pedagoškim zavodima (ili drugim ustanovama registriranim za ovu djelatnost), predškolskim ustanovama, osnovnim i srednjim školama da, uz saglasnost kantonalnog ministarstva nadležnog za oblast obrazovanja (ukoliko aplikant nije kantonalno ministarstvo nadležno za oblast obrazovanja), realiziraju jednu ili više gore navedenih mjera i aktivnosti. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 15.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
7.	7. Podrška projektima javnih kampanja s ciljem prevencije i sprečavanja nasilja i unapređenja medijske pismenosti u odgojno-obrazovnim ustanovama i društvu <u>Ukupan iznos raspoloživih sredstava za Program 7:</u> 200.000,00 KM <u>Korisnici sredstava:</u> Produkcijske i medijske kuće, osnovne i srednje škole, nevladine organizacije (sa sjedištem u Federaciji BiH) Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka);	Obrazac zahtjeva program 7.

	• jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta su jasno definirani; • monitoring i evaluacija projekta su jasno opisani; • izjava odgovornog lica podnosioca zahtjeva (potpisana i ovjerena pečatom) o spremnosti da će se vizuelni identiteti i ključne poruke projekta usaglasiti sa Federalnim ministarstvom obrazovanja i nauke; • detaljno razrađen budžet. Sve stavke u budžetu su relevantne za realizaciju aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke; • projekat sadrži i aspekt njegovanja kulture sjećanja kao sastavni dio učenja o prošlosti u svrhu izgradnje i očuvanja mira u Bosni i Hercegovini; • projekat promovira toleranciju, nenasilje i rodnu ravnopravnost u porodici, školskom okruženju i društvu. Program je namijenjen za podršku projektima produkcijskih i medijskih kuća, osnovnih i srednjih škola, nevladinih organizacija (sa sjedištem u Federaciji BiH), koji imaju za cilj podizanje svijesti javnosti o važnosti prevencije i sprečavanja nasilja, promociju tolerancije, nenasilja i rodne ravnopravnosti u porodici, školskom okruženju i društvu, kao i za unapređenje medijske pismenosti u odgojno-obrazovnim ustanovama i društvu. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 18.000,00 KM. <u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
8.	8. Podrška projektima stručnog usavršavanja nastavnika stranih jezika radi jačanja višjejezičnosti <u>Ukupan iznos raspoloživih sredstava za Program 8: 20.000,00 KM</u> <u>Korisnici sredstava:</u> Udruženja nastavnika stranih jezika Kriteriji za raspodjelu sredstava: • jasan opis specifičnog problema u vezi s kojim se planira projekat (opis trenutnog stanja, problema i prepreka); • jasan opis ključnih projektnih aktivnosti; • precizno definirane ciljne grupe i broj korisnika; • rezultat, ishod i uticaj projekta su jasno definirani; • monitoring i evaluacija projekta su jasno opisani; • detaljno razrađen budžet. Sve stavke u budžetu su relevantne za realizaciju aktivnosti navedenih u prijedlogu projekta. U slučaju sufinansiranja jasno je navedeno koje stavke i u kojem iznosu finansira Federalno ministarstvo obrazovanja i nauke. Program je namijenjen projektima udruženja nastavnika stranih jezika, u svrhu jačanja višjejezičnosti učenika. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 10.000,00 KM.	Obrazac zahtjeva program 8.

	<u>Nedozvoljeni troškovi u projektu su:</u> U okviru finansijskog plana projekta nije dozvoljeno planirati sredstva za plate i naknade troškova zaposlenika.	
9.	9. Podrška izdavanju novije literature iz oblasti predškolskog, osnovnog i srednjeg obrazovanja <u>Ukupan iznos raspoloživih sredstava za Program 9:</u> 60.000,00 KM. <u>Korisnici sredstava:</u> Izdavači sa sjedištem u Federaciji BiH Kriteriji za raspodjelu sredstava: • detaljno obrazložen projekat (stručni i odgojno-obrazovni značaj knjige/publikacije, vizuelno-grafički aspekt knjige/publikacije, vrsta i kvaliteta uveza knjige/publikacije); • izdavački projekti iz oblasti odgoja i obrazovanja u proteklih pet godina, od dana zatvaranja Javnog poziva; • izdavački projekti mogu biti: antologija, sabrana djela, rječnik, pravopis, enciklopedija, leksikon, priručnik, monografija, slikovnica, itd., namijenjeni za podršku u realizaciji nastavnih planova i programa/kurikuluma u osnovnim i srednjim školama u Federaciji BiH i/ili za podršku odgojno-obrazovnom radu u predškolskim ustanovama u Federaciji BiH u skladu sa cjelovitim razvojnim programima predškolskog odgoja i obrazovanja; • najmanje dvije recenzije tj. najmanje dva stručna mišljenja recenzenata, stručnjaka za odgovarajuću oblast kojoj knjiga/publikacija pripada ukoliko nisu integralni dio knjige/publikacije; • dokaz o utvrđivanju proizvodne cijene knjige/publikacije - ovjeren i potpisan račun/predračun/ponuda/potvrda štamparije koja je realizovala projekat, iz koje(g) je vidljiv naziv knjige/publikacije i proizvodna cijena jednog primjerka knjige/publikacije. Kandidovati se mogu izdavački projekti iz oblasti odgoja i obrazovanja (knjige/publikacije iz oblasti predškolskog, osnovnog i srednjeg obrazovanja), koji su realizovani u proteklih pet godina, od dana zatvaranja ovog javnog poziva. Pod knjigom/publikacijom ne podrazumijevaju se udžbenici, radni listovi i zbirke zadataka. Podnosilac zahtjeva može biti podržan u maksimalnom ukupnom iznosu do 10.000,00 KM, a može kandidovati najviše do pet različitih naslova. Za svaki predloženi naslov, izdavač popunjava Obrazac zahtjeva. Svi predloženi naslovi dostavljeni od strane jednog izdavača ne moraju biti podržani. Bit će ocijenjeni svi naslovi dostavljeni u sklopu ovog javnog poziva, čije prijave ispunjavaju opće uslove i kriterije, a podržani će biti oni naslovi koji ostvare najveći broj bodova, a koji su u skladu sa prioritetima Federalnog ministarstva obrazovanja i nauke u provođenju obrazovne politike u Federaciji BiH. Izdavač je obavezan Federalnom ministarstvu obrazovanja i nauke dostaviti	Obrazac zahtjeva program 9.

	dio tiraža podržanog, odnosno podržanih naslova, i to u protuvrijednosti dodijeljenih sredstava. Federalno ministarstvo obrazovanja i nauke će podržati isključivo knjige/publikacije u štampanoj, a ne u elektronskoj formi. Predloženi naslov mora biti u izdanju izdavača koji se prijavljuje na Javni poziv- trgovačka posredovanja su isključena.	
--	---	--

Krajnji rok za podnošenje zahtjeva: 06.05.2026. godine

Vremenski period za koji se priznaju prihvatljivi troškovi za finansiranje/sufinansiranje projekta:

Za projekte za koje budu dodijeljena sredstva za finansiranje/sufinansiranje na osnovu ovog javnog poziva prihvatat će se troškovi projekta nastali nakon potpisivanja ugovora o dodjeli sredstava, izuzev za Program 9.

Opći uslovi koje podnosioci prijave trebaju ispunjavati za moguću dodjelu budžetskih sredstava:

- 1) upis u odgovarajući registar (rješenje o registraciji ili izvod iz registra) iz kojeg je vidljiva djelatnost za koju je registriran (ukoliko su podnosioci prijave kantonalna ministarstva nadležna za oblast obrazovanja i pedagoški zavodi, koji se osnivaju na osnovu zakona, nisu dužni dostavljati dokaze o upisu u odgovarajući registar). Ukoliko su podnosioci prijave izdavači koji izdavačku djelatnost obavljaju u skladu sa zakonom, isti, umjesto ovjerene kopije rješenja o registraciji ili izvoda iz registra, trebaju dostaviti odgovarajući dokaz (kopiju izvoda iz Zakona, gdje je vidljiva djelatnost sa naznakom u kojem je službenom glasilu zakon objavljen);
- 2) uredno ispunjavanje obaveza iz svih prethodno sklopljenih ugovora o finansiranju/ sufinansiranju iz budžetskih sredstava putem transfera Federalnog ministarstva obrazovanja i nauke.

ZAHTJEV SA KOMPLETNOM DOKUMENTACIJOM OBAVEZNO SE PODNOSI U KOVERTI U 1 PRIMJERKU (ORIGINAL ili OVJERENA KOPIJA ORIGINALA) PUTEM POŠTE NA ADRESU:

FEDERALNO MINISTARSTVO OBRAZOVANJA I NAUKE

Ulica Krpića 3A

88000 Mostar

Sa napomenom: „Za Javni poziv iz oblasti predškolskog, osnovnog i srednjeg obrazovanja – ne otvarati“ (navesti broj i naziv programa na koji se aplicira)

OBAVEZNO NA KOVERTI NAVESTI PODATKE POŠILJAOCA.

Napomene:

- Sastavni dio ovog javnog poziva čine: Uputstvo za podnosiocce prijave/zahtjeva, Obrazac zahtjeva za svaki od programa (u okviru kojeg je navedena i dokumentacija koju treba priložiti uz obrazac Zahtjeva prilikom prijave na Javni poziv) i Kriteriji za ocjenjivanje za svaki od programa;
- Informacije o načinu komunikacije sa Ministarstvom tokom trajanja Javnog poziva sadržane su u Uputstvu za podnosiocce prijave/zahtjeva;
- Ukoliko podnosilac prijave/zahtjeva koji se prijavljuje na neki od programa Javnog poziva u potpunosti ne ispuni Obrazac zahtjeva za program za koji se prijavljuje, njegova prijava neće biti razmatrana;
- Podnosilac zahtjeva može prijaviti samo jedan projekat u okviru pojedinog programa, a može se prijaviti maksimalno na tri programa u okviru ovog javnog poziva. Izuzetak čini podnosilac zahtjeva koji se prijavljuje na program 9. Javnog poziva koji može kandidovati najviše do pet različitih naslova u okviru navedenog programa;

- Ukoliko podnosilac prijave/zahtjeva koji se prijavljuje na neki od programa Javnog poziva od Ministarstva traži iznos veći od maksimalno dozvoljenog po projektu u okviru određenog programa Javnog poziva, njegova prijava neće biti razmatrana;
- Ukoliko podnosilac zahtjeva na program 9. kandiduje više naslova od broja utvrđenog Javnim pozivom, njegove prijave neće biti razmatrane;
- U skladu sa članom 57. Zakona o budžetima u Federaciji BiH („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), korisnici sredstava koji prema evidencijama Ministarstva do zaključenja ovog javnog poziva nisu dostavili Izvještaj o namjenskom utrošku sredstava, odnosno nisu opravdali sredstva dodijeljena u prethodnom periodu, a bili su dužni to učiniti, ne ispunjavaju uslove za dodjelu sredstava po ovom javnom pozivu, te se njihove prijave neće razmatrati, a Ministarstvo će biti prisiljeno da putem nadležnih organa poduzme odgovarajuće mjere u skladu sa zakonom, u cilju zaštite i namjenskog utroška dodijeljenih javnih sredstava;
- Uz potpuno popunjen Obrazac zahtjeva (potpisan od strane ovlaštene osobe i ovjeren pečatom podnosioca zahtjeva) obavezno treba dostaviti detaljan opis projekta za koji se traži (su)finansiranje, razrađen finansijski plan projekta (budžet) i svu drugu dokumentaciju koja se navodi kao obavezna u Obrascu zahtjeva za svaki pojedinačni program. U suprotnom, prijava će se smatrati nepotpunom. Izuzetak od gore navedenog čini podnosilac zahtjeva na program 9, koji od gore navedene obavezne dokumentacije ne treba dostaviti finansijski plan;
- Dopuna dokumentacije može se omogućiti samo onom aplikantu čija prijava je nepotpuna zbog nedostavljanja dokumenta – dokaza o činjenicama koje se vode u evidencijama ili registrima kod drugih organa, a koje su vidljive iz popunjenog aplikacijskog obrasca: dokaz o otvorenom računu u poslovnoj banci; uvjerenje o poreznoj registraciji (ID broj) i Rješenje o registraciji ili izvod iz registra iz kojeg je vidljiva djelatnost za koju je podnosilac zahtjeva registriran. Ostala dokumentacija tražena Javnim pozivom (u potpunosti i ispravno popunjen aplikacijski obrazac, detaljan opis projekta za koji se traži (su)finansiranje, razrađen finansijski plan projekta (budžet) i dr.) ne može se dopunjavati. Način i rokovi dopune dokumentacije su opisani u Uputstvu.
- Neblagovremene prijave neće biti razmatrane;
- Postupci za sprečavanje sukoba interesa osoba uključenih u postupak dodjele finansijskih sredstava: svaki član komisije za razmatranje prijave na Javni poziv će biti isključen iz postupka dodjele sredstava, ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

MINISTRIČA

prof. dr. Jasna Duraković